

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

Broj: 01/1-22-Z/18

Kakanj, 13.07.2018. godine

Z A P I S N I K

**sa 22. redovne sjednice Općinskog vijeća održane 13.07.2018. godine (petak) u velikoj sali za
sastanke Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine, 22. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bečirhodžić, Aldin Šljivo, Edin Aliefendić, Mejrema Purišević, Muhamed Kubat, Izudin Hrusto, Adnan Ibrahimspahić, Amar Selimović, Safet Šahman i Nadina Kovač (**SDA**)

Jasmin Mušanović , Semir Mušija, Rizah Haračić, Mirnes Merdić i Mugdin Gorak (**SBB BiH**)

Mirsad Tursum, Fahrudin Buza, Adisa Škulj, Zerina Kovač i Rešad Merdić (**S BiH**)

Enes Piljug (**SDP BiH**)

Slaven Katičić i Ivica Petrović (**HDZ BiH**)

Elvedin Delić (**A-SDA**)

Odsutni vijećnici: Senad Alajbegović (**SDA**), Nusret Muslić i Sedmedin Amidić (**DF**)

Predsjedavajući je konstatovao da je na sjednici u momentu prijave prisutno 24 vijećnika i vijećnica, te da su se stekli svi potrebni uvjeti za validan rad i odlučivanje Općinskog vijeća.

Pored vijećnika sjednici su prisustvovali:

Ferdo Mijač, sekretar Općinskog vijeća

Mirza Fazlić, pomoćnik općinskog načelnika za privredu, urbanizam i zaštitu okoline

Džihad Berbić, pomoćnik općinskog načelnika za finansije

Nurčo Kurtović, pomoćnik općinskog načelnika za imovinsko-pravne, geodetske poslove i katastar nekretnina

Bahrudin Arnaut, pomoćnik općinskog načelnika za opću upravu, radne i zajedničke poslove, lokalnu samoupravu i mjesne zajednice – po ovlaštenju

Zijad Neimarlija, direktor Zavoda za planiranje i izgradnju općine Kakanj

Izjave, obrađivači, gosti:

Muamer Čelebić, zastupnik u Kantonalnoj skupštini Zeničko-dobojskog kantona.

Zijad Alajbegović, zastupnik u Predstavničkom domu Federalnog parlamenta

Lejla Čelebić, predstavnica JU „Mladost“ Kakanj

Munevera Šehić, članica UO JU „Mladost“ Kakanj

Predstavnici medija:

NTV IC Kakanj

„Naša riječ“

„Kaportal“

Radio Kakanj

„Kakanjlive“

„Klix portal“

„Kakanjske novine“

„Kakanj-x“

Kratka saopćenja o radu sjednice i prethodnim pitanjima:

Kolegij Općinskog vijeća je 20.06.2018. godine, održao 21. sjednicu na kojoj je razmatrao:

- a) Odgovor Zavoda za planiranje i izgradnju na Zaključak Kolegija Općinskog vijeća broj: 01/1-20-K-193/18 od 23.05.2018. godine i donio Zaključak kojim se sugerira općinskim službama da budu ažurnije prilikom dostavljanja odgovora na vijećnička pitanja i mišljenja na vijećničke inicijative vijećnicima, a vijećnicima da se pridržavaju poslovnčkih odredbi prilikom postavljanja i podnošenja istih. Navedeni zaključak je dostavljen svim vijećnicima.

Usvajanje zapisnika sa 21. sjednice Općinskog vijeća:

Predsjedavajući je zapisnik sa 21. sjednice Općinskog vijeća stavio na razmatranje i obzirom da nije bilo prijavljenih diskutanata isti je usvojen sa 24 glasa za, bez glasova protiv i uzdržanih.

Komentari na dostavljene odgovore na vijećnička pitanja:

Enes Piljug: je kazao da je imao jedno vijećničko pitanje, naime tražio je odgovor direktora JP ŠPD Zavidovići, da se izjasni zašto se na opštini Kakanj ne vrši uplata ogrijevnog i tehničkog drveta, dok se uplata u ostalim mjestima ZDK normalno obavlja. Odgovor koji je dobio od direktora preduzeća odnosio se na to da nema nikakve obustave ogrijevnog drveta, da problem leži samo u Šumariji Kakanj, te zbog toga, Piljug apelira na rješavanje problema, kako se ne bi desilo isto što i 2017 godine, kada je upitanju snadjevanje općine Kakanj.

Semir Mušija: Navodi, kako je dobio 2 odgovora na 2 postavljena vijećnička pitanja, od prethodne sjednice OV, prvi odgovor stigao je od Zavoda za planiranje i izgradnju i tiče se postavljenog pitanja, u kojoj fazi je realizacija projekta razvoda rasvjete u selu Varalići, obzirom da se radi o projektu koji je planiran da se realizuje u 2017 godini i gdje su planirana sredstva iznosila 20.000KM. Navodi, da je projekat prenesen u tekuću godinu, te da je Zavod za planiranje i izgradnju naglasio kako isti projekat još uvijek nije primljen u Zavod, ali ističe da je jedan od mještana naveo da se u međuvremenu projekat predao. Mušija se nada da će uskoro biti raspisan javni poziv za realizaciju navedenog projekta. Drugo vijećničko pitanje se odnosilo na sportske kladionice, odnosno na njihovo postojanje i brendiranje pojedinih poslovnih prostora koji se nalaze u užem gradskom jezgru, odnosno gravitiraju uz glavnu gradsku saobraćajnicu. Smatra da takav način brendiranja čini ruglo grada Kakanja. Dakle, pitanje se odnosilo na to da li mi kao lokalna zajednica možemo uticati na to i promijeniti način brendiranja. Odgovorom je djelimično zadovoljan, obzirom da je služba u odgovoru navela da će u budućem periodu voditi računa o načinu rada, pomenutih prostora i brendova.

Komentari na dostavljena mišljenja na vijećničke inicijative:

Enes Piljug: Navodi da je imao 2 vijećničke inicijative i da je dobio odgovore. Prva inicijativa se odnosila na kanaliziranje potoka koji prolazi kroz naselje Malješ. Razlog pokretanja inicijative jeste nezadovoljstvo mještana Malješa i činjenica da potok predstavlja ekološku opasnost, obzirom da su u potok uključena svi odvodni i kanalizacioni sistemi naselja. Odgovor je stigao od Službe za privredu, urbanizam i zaštitu okoline OK. Zadovoljan je odgovor, obzirom da se odnosi na to da će službenici izaći na lice mjesta radi službenog utvrđivanja stanja. Druga inicijativa se odnosila na to da se od skretanja za selo Subotinje, pa do kamenoloma Trgošped, sa obale rijeke Ribnice uklone razni nasipi i očisti od otpada kako bi se omogućio prilaz rijeci. Razlog pokretanja inicijative jeste mogućnost korištenja prirodnih ljepota, pa samim tim i rijeke Ribnice. Odgovor je pristigao od Službe za privredu, urbanizam i zaštitu okoline, u kojem se navodi izlazak na teren u skorijem vremenu, radi utvrđivanja i rješavanja problema. Piljug, također ističe molbu, da dobije usmeni odgovor da li je u međuvremenu iko reagovao i realizovao akcije iz odgovora.

Semir Mušija: Ističe pokretanje inicijative na 20oj sjednici OV, koja se tiče ostavriavanja prava na Zdravstveno osiguranje. Adrese na koje je uputio inicijativu jesu: Služba za društvene djelatnosti OK,

Centar za socijalni rad OK, Zavod zdravstvenog osiguranja; Biro Kakanj, te Dom Zdravlja Kakanj. Odgovorom nije zadovoljan, smatrajući da nije u potpunosti postignuto razumjevanje između inicijative i odgovora. Naime, da je insistirao na poboljšanju međusobne komunikacije između navedenih adresa, i da se vide moguće izmjene postojeće regulative. Mušija, navodi kako u odgovoru stoji da je komunikacija između pomenutih institucija na zavidnom nivou, te da svi postopaju po zakonskim odredbama i propisima. Nezadovoljstvo izražava u smjeru toga da niti jedan zaključak u odgovoru, se ne odnosi na razmatranje mogućnosti izmjena propisa i uvođenja novih kategorija za ostvarivanje prava na ZO, što predstavlja prvi korak koji bi OV moglo poduzeti, kako bi se moglo inicirati ka višim nivoima vlasti, kada je u pitanju ova problematika.

Ističe i rigornoznost, Biroa za zapošljavanje ZDK.

Vijećnička pitanja:

Safet Šahman: je postavio jedno vijećničko pitanje koje se odnosi na relaciju puta Donji Kakanj – Kondžilo, konkretno lokaciju kamenolom, navodeći da je uzrokovano klizištem došlo do značajnog sužavanja rijeke Ribnice, te traži od Zavoda obilazak terena.

Enes Piljug: je postavio jedno vijećničko pitanje i traži dostavljanje broja prijavljenih osoba na Birou za zapošljavanje na nivou opštine Kakanj do datuma 30. 6. 2015 godine i naredne tri godine, zaključno sa 30.6. 2018.

Rizah Haračić: je postavio dva vijećnička pitanja. Prvo upućuje OK i pita šta se desilo 5.6.2018, kada se desila mala ekološka katastrofa (postojanje veće količine zagađujućih materija). Drugo pitanje upućuje se Zavodu za planiranje i izgradnju i tiče se faze izgradnje vodovoda Kaparavići u iznosu od 30,000 KM i da li su ta sredstva još uvijek operativna, ako jesu, da li se mogu preusmjeriti na vodosnadbjevanje OŠ.

Vijećničke inicijative:

Safet Šahman: je podnio jednu vijećničku inicijativu, upućeno Zavodu za planiranje i izgradnju i tiče se sanacije makadamskog dijela puta na raskrsnici Cementara – Trgošped, na dva dijela puta na kojem se desilo klizište.

Enes Piljug: je podnio jednu vijećničku inicijativu, i tiče se asfaltiranja dvije dionice puta. Prva OŠ Roščevina do kraja Popara, a druga od skretanja za Sopotnicu do Gornje Jehovine.

Rizah Haračić: je podnio dvije vijećničke inicijative. Prva je upućena, Mašinskom fakultetu Zenica, da analiziraju koje čestice nastaju spaljivanjem guma, koksa, bio mase i lož ulja i na koji način se mogu pratiti te materije, ista inicijativa se podnosi i OK. Druga inicijativa je upućena JP Grijanje i tiče se

pokretanja grijanja u naselju Povezice.

Utvrđivanje dnevnog reda:

Predsjedavajući je predložio dnevni red koji je usaglašen na sjednici Kolegija **06.07.2018.** godine, odnosno dnevni red po pozivu za 22. sjednicu Općinskog vijeća.

U raspravi o predloženom dnevnom redu nije niko učestvovao, te je Vijeće sa 25 glasova za, bez glasova protiv i uzdržanih usvojilo dnevni red za 22. sjednicu.

Usvojeni dnevni red:

1. Informacija o prijedlogu zakona o Fondu za zaštitu okoliša i energetske efikasnosti
2. Prijedlog revidirane „Strategije razvoja općine Kakanj 2007-2020“ sa Akcionim planom za period 2018-2020
3. Prijedlog Plana kapitalnih investicija Općine Kakanj 2018-2020
4. Prijedlog izmjena i dopuna Budžeta Općine Kakanj za 2018.godinu
5. Prijedlog odluke o gubljenju statusa javnog dobra
6. Prijedlog izmjena i dopuna finansijskog plana JU za predškolski odgoj i obrazovanje „Mladost“ Kakanj za 2018. godinu
7. Izvještaj o finansijskom poslovanju JU za predškolski odgoj i obrazovanje „Mladost“ Kakanj za period januar-decembar 2017. godine

Tačka 1.

Informacija o prijedlogu zakona o Fondu za zaštitu okoliša i energetske efikasnosti

Predlagač: Općinski načelnik,

Obradivač: Služba za privredu, urbanizam i zaštitu okoline

Izvjestilac: Mirza Fazlić, pomoćnik općinskog načelnika, Stav i mišljenje: Komisija za ekologiju.

U diskusiji su učestvovali: Slaven Katičić i Semir Mušija.

Slaven Katičić: navodi da je ova tema jedan od razloga ranijeg realiziranja ove sedmice i zaslužuje angažman. Smatra da novi način predlaganja raspodjele sredstava je usporio sam rad lokalne zajednice. Bez obzira koliko se brojni subjekti zalažu za jačanje lokalne zajednice. Ovo je jedan suprotan korak što i govori samo zalaganje. Smatra da OV vijeće treba da se drži zajedno i treba da pozove svoje zastupnike na višim nivoima da se uključe i da se donesu kvalitetni zaključci, te da se lobira zaustavljanje ovog načina, kroz prijateljske, stranačke i druge odnose. Traži od bilo koje angažovane službe, da dostavlja

pismene zaključke, pa da kolegij modificira iste i čini daljnje korake. Treba da se organizira javna rasprava u svim opštinama u kojima su smješteni zagađivači i da oni koji su pripremali ovaj zakon i koji će ubudućnosti upravljati ovim sredstvima, obrazlože načine i razloge, kako će trošiti u budućnosti i koji su motivi da se sredstva namjenjena lokalnoj zajednici preusmjere na druge nivoe.

Semir Mušija: Smatra da jedan od zaključaka treba da bude usmjeren prema predlagачu, to jest da predlagач povuče prijedlog ka parlamentarnoj proceduri.

Općinski načelnik: Navodi da je ovo još jedan grubo pokušaj da se na mala vrata u izbornoj godini naprave neprincipijelne stvari i o kojima nije obavljena rasprava. Kako neko može da pokrene ubrzane prijedloge zakona, a tiču se 3 nivoa vlasti. Smatra da jedan zaključak treba da bude upućen kolegiju koji odlučuje o procedurama usvajanja zakona i da se pokrene krivična prijava protiv svih koji usvoje proceduru, bez javne rasprave.

Usljedila je pauza u radu Vijeća kako bi se usaglasili zaključci.

Mirza Fazlić: Prvi zaključak : OV vijeće Kakanj cijeni da je predmetni zakon štetan za lokalnu zajednicu, ne slaže se sa procedurom donošenja zakona, te traži da se isti donese po redovnoj proceduri.

Drugi zaključak: OV insistira da se održi javna rasprava u lokalnim zajednicama u kojoj posluju zagađivači i da se na istoj obrazlože razlozi donošenja zakona i promjena u odnosu na postojeći zakon.

Treći zaključak: Uputiti dopis svim akterima u izradi i donošenju zakona; Premijer FBiH, Vlada FBiH, Nadležno ministarstvo, Ustavno pravna komisija Predstavničkog doma FBiH, predsjedavajući FBiH, predstavnici klubova političkih stranaka u predstavničkom domu, kojim će se izraziti nezadovoljstvo predloženim zakonom, predloženom procedurom donošenja zakona, te istima ukazati na odgovornost i posljedice donošenja zakona po ovoj proceduri.

Četvrti zaključak: OV pozdravlja dosadašnje zalaganje Saveza Općina i gradova FBiH i poziva ih na aktivnosti kada je u pitanju predložena procedura donošenja zakona.

Nakon diskusije Informacija o prijedlogu zakona o Fondu za zaštitu okoliša i energetske efikasnosti je primljena k znanju, a zaključci usvojeni jednoglasno sa 26 glasova za.

Tačka 2.

Prijedlog revidirane „Strategije razvoja općine Kakanj 2007-2020“ sa Akcionim planom za period 2018-2020

Predlagач: Općinski načelnik,

Obrađivač: Komisije za izradu nacrtu revidirane „Strategije razvoja općine Kakanj 2007-2020“ sa novima Akcionim planom za period 2018-2020.

Izvjestilac: Enver Kusić, koordinator Komisija;

Stavovi i mišljenja: Komisija za ekologiju, Komisija za ljudska prava i ravnopravnost spolova, Komisija za mlade.

U diskusiji su učestvovali: Ahmed Begić, Rizah Haračić i Adnan Ibrahimspahić.

Ahmed Begić: Navodi da jedan od amandmana koje je podnio je usvojen, a u novom planu odnosno strategiji se ne nalazi.

Rizah Haračić: Smatra da je svaki plan dobar, ali, također smatra da u planu ne treba da se nalaze već realizovane stvari. Njegovu pažnju zavrđuje, stranica broj 55, koja se odnosi na kvalitet zraka u OK, te u ime SBB navodi da treba da se prati rad emitovanja stanica od strane TC Kakanj i RMU. Navodi i postojanje informacije o proširenju sistema daljinskog grijanja, za koje ne zna da se desilo u tekućoj godini. Na stranici broj 58, rad operatera bez podataka za 2016. i 2017. Godinu, te smatra da iste treba dodati. Strana 63, smatra da treba dodati SC10, koja se odnosi na postavljanje zahtjeva operaterima, da za sve što rade prvenstveno organizuju javnu raspravu i traže saglasnost lokalne zajednice.

Adnan Ibrahimspahić: Predlaže da se u strategiju, u novi akcioni plan uvrsti realizacija izgradnje podvožnjaka, ispod željezničke pruge, na lokalitetu željeznička stanica Kakanj.

Enver Kusić(odgovor): Predlaže da se uvrste oba amandmana pomenuta od Ahmeda Begića, kao i projekat pomenut od strane Adnana Ibrahimspahića.

Općinski načelnik: Navodi, da je ovo revizija strategije, te da će se obaviti sve procedure prije usvajanja novog dokumenta. I da se to postavi kao novi zadatak, već od januara iduće godine.

Nakon diskusije Vijeće je uz primjedbe i amandmane vijećnika koji su učestvovali u raspravi usvojilo Revidiranu Strategiju razvoja općine Kakanj 2007-2020, uz zaključak da se pristupi izradi nove Strategije razvoja jednoglasno sa 24 glasa za.

Tačka 3.

Prijedlog Plana kapitalnih investicija Općine Kakanj 2018-2020

Predlagač: Općinski načelnik,

Obradivač: Služba za privredu, urbanizam i zaštitu okoline

Izvjestilac: Mirza Fazlić, pomoćnik općinskog načelnika,

Stav i mišljenje: Komisija za ekologiju, Privredni savjet, Komisija za ljudska prava i ravnopravnost spolova, Komisija za mlade.

U diskusiji je učestvovao Safet Šahman.

Mirza Fazlić: Plan je baziran na strategiji za projekte preko 100 hiljada konvertibilnih maraka. Ističe štamparske greške: strana broj 7, dio ekologija, ukupan zbir je 7 910 000 KM, greška se nalazi na poziciji broj 4, gdje cifra treba biti 300 000 KM. Sve što je kroz zaključke i amandmane usvojeno, a tiče se kapitalnih investicija, biti će uvršteno u plan kapitalnih investicija.

Safet Šahman: Smatra da niko nema pravo u ime stanovnika Brnjica sugerisati i predlagati. Konkretno misli na Komisiju za ekologiju koja je izjavila da je plan sveobuhvatan i prihvatljiv, ali se odnosila i dala mišljenje u vezi realizacije projekta za dio puta Kakanj – Kondžilo.

Vijeće je jednoglasno usvojilo Plan kapitalnih investicija Općine Kakanj 2018-2020 sa 24 glasa za, bez glasova protiv i uzdržanih.

Tačka 4.

Prijedlog izmjena i dopuna Budžeta Općine Kakanj za 2018.godinu

Predlagač: Općinski načelnik,

Obrađivač: Služba za finansije,

Izjavitelj: Džihad Berbić, pomoćnik općinskog načelnika

U diskusiji nije niko učestvovao i Izmjene i dopune Budžeta su usvojene sa 22 glasa za, 1 protiv i niko uzdržan.

Tačka 5.

Prijedlog odluke o gubljenju statusa javnog dobra

Predlagač: Općinski načelnik,

Obrađivač: Služba za imovinskoppravne, geodetske poslove i katastar nekretnina,

Izjavitelj: Nurčo Kurtović, pomoćnik općinskog načelnika.

U diskusiji nije niko učestvovao i Vijeće je usvojilo Odluku o gubljenju statusa javnog dobra sa jednoglasno sa 23 glasa za.

Tačka 6.

Prijedlog izmjena i dopuna finansijskog plana JU za predškolski odgoj i obrazovanje „Mladost“ Kakanj za 2018. godinu

Predlagač: UO JU za predškolski odgoj i obrazovanje „Mladost“ Kakanj

Obradivač: UO JU za predškolski odgoj i obrazovanje „Mladost“ Kakanj

Izjavitelj: Lejla Čelebić, predstavnik JU i Munevera Šehić, članica UO JU

U diskusiji nije niko učestvovao i Vijeće je usvojilo Izmjene i dopune finansijskog plana JU za predškolski odgoj i obrazovanje „Mladost“ Kakanj za 2018. godinu sa 23 glasa za, bez glasova protiv i uzdržanih.

Tačka 7.

Izveštaj o finansijskom poslovanju JU za predškolski odgoj i obrazovanje „Mladost“ Kakanj za period januar - decembar 2017. Godine

Predlagač: UO JU za predškolski odgoj i obrazovanje „Mladost“ Kakanj

Obradivač: UO JU za predškolski odgoj i obrazovanje „Mladost“ Kakanj,

Izjavitelj: Lejla Čelebić, predstavnik JU i Munevera Šehić, članica UO JU

U diskusiji nije niko učestvovao i Vijeće je usvojilo Izveštaj o finansijskom poslovanju JU za predškolski odgoj i obrazovanje „Mladost“ Kakanj za period januar-decembar 2017. godine sa 22 glasa za.

Sjednica se završila u 11:45 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**

Ferdo Mijač

**PREDSJEDAVAJUĆI
OPĆINSKOG VIJEĆA**